

蔣為文：ㄅㄛˊ ㄇㄢˊ

(桃紅字：表聲音內容)

Tse 是受降 ê 日子

Mā 是化粧舞會 ê 暗暝

阮將 beh 來進場

Tī 武裝憲兵 kap 便衣部隊 ê 注目下  
希望

用快樂 ê 舞步

佔領總統府

舞會

Tī 蛇籠 á ê 引導下

由詹益樺開場

我相信

伊 mā 是

用快樂 ê 舞步

希望 tuè 鄭南榕

做伙佔領總統府

ㄅㄛˊ ㄇㄢˊ

Tse 是化粧舞會 ê 開始

Ng 望用畫紅漆白 ê 胭脂水粉

Am-khàm 內心 ê 悲哀

有影

Tse 是告別悲情 ê 暗暝

M 是 e-pō̍ ê 齣戲

只是

咱 ài-koh 演 luā 久 ê 小丑 á

Tsiah ē-tàng 改變咱苦旦 ê 運命？

ㄅㄛˊ ㄇㄢˊ

Tse 是化粧舞會 ê 暗暝

Kám 會悲情島嶼 ê 開始？